



2

D. XII L





ADDITTAMENTUM HYMNORUM

QUI DESUNT IN PSALTERIO CHORALI.

*In Feste S. Raynaldi Episcopi
Confessoris.*

HYMNUS.

Ad vespas.

Quis Tuas dignè, Raynalde, laudes
Concinat, Nostræ column salutis
Quem sibi legit Nucerina ritè
Terra Patronum.

Sæculi spernens bona blandientis,
Tendis ad summos nemorum recessus,
Factus à primis generosus annis
Transfuga mundi.

Hic humo stratus gelida flagellis
Membra vix parcis dapibus resecta
Edomans, noctis vigiles precando
Protrahis horas.

Interim terris animo relictis
Mente conscendis supernas ad arces
Spontè, ubi Cæli Tibi tota sese
Regia pandit.

Sit decus Patri, Genitæque Proli,
Et Tibi compar Utriusque Virtus
Spiritus, semper DEUS unus omni
Temporis ævo. Amen.

Ad Matutinum Hymnus.

Tanta lux autem modio reposita
Debuit cæco minimè recondi,
Tanta nec virtus medii latero
Abdita Sylvis.

Ergo ut in domo media niteret,
Jussa Sylvarum latebras relinquit
Diceris Pastor, meritosque cingit
Infula crines.

Pastor effectus, teneros Parentis
Induis sensus, satagisque primum,
Creditos Tibi populos Sacrato
Pascere verbo.

Corporum duros miserans labores
Dulce mox afers sedulus levamen
Omnibus, Christo subigas ut omnes
Omnia factus.

Sit decus Patri, Genitæque Proli,
Et Tibi compar utriusque virtus
Spiritus, semper DEUS unus omni
Temporis ævo. Amen.

Ad Laudes Hymnus.

Laudis æternæ meritis coronis
Ornet ut servum Dominus fidelem,
Corporis tandem laqueo solutus
Æthera scandis.

A

Fa-

Factus hinc illi propior, beata
Pace securus frueris, potensque
Factus es Nobis etiam, potenti

Numine fretus.

Quare age, humanos miserans labores
Aspice, & casus varios Tuorum,
Quæque nos agunt mala pelle summo

Dexter ab axe.

Si Tuas laudes canimus frequenter,
Si Tuas votis cumulamus aras,
Nostra sint tanto benefulta semper

Vota Patrono.

Nun age his nostris precibus vocatus
Protege hanc urbem Tibi dedicatam,
Et Tuos serya, bonus, o! Clientes

Tempus in omne.

Sit decus Patri, Genitæque Proli,
Et Tibi compar utriusque virtus
Spiritus, semper DEUS unus omni

Temporis ævo. Amen

*In Festo S. Gabrielis Archangeli Ad ve-
speras & ad Matutinum Hymnus.*

Christe, Sanctorum decus Angelorum,
Rector humani generis, & Auctor;

Nobis æternum tribue benignus

Scandere Cælum.

Angelus fortis Gabriel, ut hostem
Pellat antiquum, volitet ab alto,

Sæpius Templum veniens ad istud

Visere nostrum.

Hinc DEI nostri Genitrix MARIA,
Totus & Nobis Chorus Angelorum
Semper assistat, simul & beata

Concio tota.

Præstet hoc nobis Deitas beata
Patris, ac Nati, pariterque Sancti
Spiritus, cuius reboat in omni

Gloria mundo. Amen.

Ad Laudes Hymnus ut in corpore Psalterii.

*In Festo S. Adalberti Episcopi & Marty-
ris P. R. P. Ad vespertas Hymnus.*

O! Martyr invictissime!

Plus fortibus fortissime,

Quis glorioso Cantico

Nomen Tuum sat concinat?

Afflatus almo Numine,

Oras adis Pannoniæ,

Ibique Regem dogmate,

Prolemque firmas chrismate.

Urbes Poloniæ petis,

Veræ salutis Nuntius,

Pastor bonus Christi fidem,

Verbo DEI doces pridem.

Tandem Borussis finibus,

Ponis triumpho terminum,

Gentes rebelles inferi

In Te furorem concitant.

Stant

Stant veritatis invidi,
Dum Sacra ad aram perficis,
Fodire corpus lanceâ
Manus feroces non pavent.

Hinc semi vivi corporis,
In frustra membra dissecant,
Caput triumpho gloriæ
Cælis in hasta sublevant.

O Victor ergo Nobilis!
Dum te colentes psallimus,
Tuus triumphalis dies
Imploret indulgentiam.

E christianis partibus
Belli timores excute,
Pacem precamur impetra,
Donum Tui sit Sanguinis.

Præsta Beata Trinitas,
Divina dones unitas,
Nobis Adalberti preces,
Cæli mereri gloriam. Amen.

Ad Matutinum Hymnus.

Hymnis canamus Martyrem,
Apostolumque, Præsulem
Bohemiæ, Poloniæ,
Hungariæ, Borussiæ.

Natus comes hic nobilis,
Morbô puer pressus gravi,
Votô Parentum fit DEO,
Cælo patens oblatio.

Crescit pius vir temperans,
Fit Spiritu plenus. DEI.
Scriptura Sacra discitur,
Prius domo non mittitur.

Adit Cathedram pontifex
Sedens equo, fræno levi,
Sancto futuro Præsuli,
Soli reclamant inferi.

Denos alebat Pauperes,
Humi cubabat languidus,
Mox excitat somnum lapis,
Nox dormientem non videt.

Iustus, pudicus, sobrius
Formam ferens Antistitum,
Per signa, per miracula,
Exempla tradit omnibus.

Christus videtur venditus,
Gregem dolet dependitum,
Præcepta contemni videt,
Gentis salutis providet.

Hastis pio dum Præsuli
Necem parant increduli,
Confossus aris vincitur,
Dum vincit, interficitur.

Auri levi sat pondere
Corpus redemptum venditur,
Gnesnam suis reducitur,
Pastor salutis redditur.

A2 JE

JESU Redemptor omnium
Dimitte nostra crimina
Da Martyris per præmia,
Æterna nobis gaudia. Amen.

Ad Laudes Hymnus.

O Christe robur Martyrum!
Decus, Corona, præmium.
Firmans Adalbertus fidem,
Pro teste fudit Sanguinem.

Pastor bonus Christi gregis,
Deperditas quærens oves,
In innocenti sanguine,
Pro victima vitam dedit.

Qui tot labores pertulit,
Ut ad salutis pascua
Oves reducat perditas,
Fideque seruet creditas.

Nunc efficacem gratiam
Petat suis fidelibus,
Noscat gregem semper suum,
Quem protegat, pascat, regat.

Præsul Bohemis qui prius
Severus & mitis fuit,
Nunc mitius dat omnibus
Cæleste desiderium.

Vigiliis, jeiuniis
Carnem subegit spiritu,
Discamus & nos sensuum
In Spiritu custodiam.

A vanitate sæculi
Cor atque sensus liberet.

Quæramus, ut semper **DEUM**,
JESUMQUE cordis gaudium.

Præsta Beata Trinitas.

Divina dones unitas,

Nobis Adalberti preces,

Cæli mereri gloriam. Amen.

*In Festo SS. Sepulchri Hierosolymitani
ad Vesperas & ad Matutinum Hymnus.*

Sacri sepulchri gloriam,
Christi triumphis inclutam,
Dulci repleti gaudio,
Lætis canamus vocibus.

Huius vetustis sæculis,
Dedit cysterne Synbolum,
Quo missus olim carcerem,
Joseph habebat innocens.

Hoc quem fidelis fortium,
Ambit caterva militum,
A Rege docto conditus,
Expressit olim lectulus.

Hoc et Tuus Daniel lacus,
Et quæ sopore languidum,
Jonam ratis portaverat,
Hoc in figura nunciat.

O petra gemmis carior!
Thesauri cunctis ditior,
Qualem nec aula Principum,
Nec gaza claudit divitum.

Nam

Nam tu nec auri munera,
Nec Principum fluxas opes,
Sed illud immensum Sacri
Pretium tulisti corporis.

At Christe ditas, qui Tuum
Caro Sepulchrum Sanguine,
Tuos (rogamus) Servulos
Donis Tuis fac divites.

Gloria Tibi Domine,
Qui surrexisti à Mortuis,
Cum Patre & Sancto Spiritu,
In sempiterna Sæcula. Amen.

Y. Tuum Sepulchrum adoramus Do-
mine. Alleluia.

R. Et recolimus tuam gloriosam Re-
surrectionem. Alleluia.

Ad 1mum Nocturnum.

Psalmi ut in Festo Dedic: Eccles:

Y. Ipsum gentes deprecabuntur, Al-
leluia.

R. Et erit Sepulchrum ejus glorio-
sum, Alleluia.

Ad 2dum Nocturnum.

Psalmi ut in Festo Dedic: Eccles:

Y. Factus est in pace locus ejus, Al-
leluia.

R. Et habitatio ejus in Sion, Alle-
luia.

Ad 3tium Nocturnum.

Cantica ut in eadem Dedic:

Y. Erit mihi Dominus in DEUM, Al-
leluia.

R. Lapis iste vocabitur domus DEI,
Alleluia.

Ad Laudes Hymnus.

Audite tristes inferi,
Turbæ frementes hostium,
Vestræ ruinæ Nuntium,
Sacri Sepulchri gloriam.

En jam futuri conscius.

Illam Propheta præcinit,

Et gloriosum posteris

Narrat Sepulchrum sæculis.

Hic ille: Rex fortissimus,

Fractis à verni viribûs,

Et mortis excussò jugo,

Primum trophæa suscitât.

Candore tectus vestium,

Novaque lucis fulgore,

Delapsus astris Nuntius

Hic excubavit Angelus.

Jam temperandum lacrymis,

Satis datum suspiriis.

Gravi dolore fauciae

Hic audierunt sæminæ.

Et vos Magistri funere

Planè simul commortui,

Vestro dolori gaudium

Tulistis hic Apostoli.

Tu

Tu vero Chrīste maxima
Tui sepulchri gloria,
Mortem resurgens viceras,
Nos morte culpæ libera.

DEO Patri sit gloria,
Et Filio qui à mortuis
Surrexit & Paraclito,
In sempiterna sæcula. Amen.

Ÿ. Dum esset Rex in accubitu suo,
Alleluia.

R. Nardus mea dedit odorem suavi-
tatis. Alleluia.

Ad Tertiam.

Ÿ. Tuum sepulchrum adoramus Do-
mine, Alleluia.

R. Et recolimus Tuam gloriosam re-
surrectionem. Alleluia.

Ad Sextam.

Ÿ. Verè locus iste Sanctus est Alle-
luia.

R. Et ego nesciebam. Alleluia.

Ad Nonam.

Ÿ. Te decet Hymnus DEUS in Sion.
Alleluia.

R. Et Tibi reddetur votum in Jeru-
salem. Alleluia.

In 2dis Vesperis.

Ÿ. Ipsum gentes deprecabuntur. Al-
leluia.

R. Et erit sepulchrum ejus glorio-
sum. Alleluia.

In Festo S. Floriani Martyris P. R. P.

Ad vesperas & ad Matutinum Hymnus.

Gratuletur Ecclesia,

Nova laudum præconia,

DEI canens cum gratia,

Pro Floriani gloria.

Hic apud urbem Theciam,

Linquens domum, familiam,

Laureacum accelerat,

Quà Sanctos pati noverat.

Mox à Commilitonibus

Tentus, Verbis, Verberibus,

Jam mulcetur, jam frangitur,

Nec à fide reflectitur.

Hic uncis fractis scapulis,

Vir insons sine Maculis,

Dum jactatur in flumine,

Tortor privatur lumine.

In petra corpus nobile,

Curâ servatur aquilæ;

Quod ut mandet terræ, piam

Martyr monet Valeriam.

Dum ad humandum ducitur,

Jumentum siti premitur,

Mirè tamen reficitur,

Fons novus quia funditur.

DEO

DEO Patri sit gloria,
Et Filio, qui à mortuis
Surrexit, ac Paraclito,
In sempiterna Sæcula, Amen.

Ad Laudes Hymnus.

Sæpè Martyr verberatus,
Uncis carnem laceratus,
DEUM, dicens, colo Trinum,
Confutavit Aquilinum.

Idem facis Aquiline,
Quod prementes florem spinæ
Pungis, premis Sanctum Florem,
Reddit pressus flos odorem.

Nunc o! Martyr DEI chare,
Fac nos hostes debellare,
Impugnantes fidem Christi,
Quam tenendo, non cessisti.

DEO Patri sit gloria,
Et Filio, qui à mortuis
Surrexit, ac Paraclito,
In sempiterna Sæcula. Amen.

In Fæsto S. Stanislai Epis. Mar. P. R. P.

In utrisque vespèris & ad Matutinum

HYMNUS.

Gaude Mater Polonia,
Prole fæcunda nobili:
Summi Regis Magnalia,
Laude fréquenta vigili.

Cuius benigna gratia
Stanislai Pontificis,
Passionis insignia,
Signis fulgent mirificis.

Hic certans pro iustitia
Regis non cedit furæ:
Stat pro plebis injuria
Christi miles in acie.

Tyranni truculentiam
Qui dum constanter arguit,
Martyrii Victoriam
Membratim cæsus meruit.

Novum pandit miraculum,
Splendor in Sancto cælicus;
Redintegrat corpusculum
Sparsum cælestis medicus.

Sic Stanislaus Pontifex
Transit ad Cæli curiam,
Ut apud DEUM opifex
Nobis imploret veniam.

Poscentes ejus merita
Salutis dona referunt:
Morte præventi subita
Ad vitæ portum redeunt.

Cuius ad tactum annuli
Morbi fugantur turgidi,
Ad locum Sancti tumuli
Multi curantur languidi,
Surdus auditus redditur,
Claudis gressus Officium, Mu-

Mutorum lingua solvitur,
Et fugatur dæmonium.

Ergo felix Cracovia,
Sacro dotata corpore,
DEUM, qui fecit omnia,
Benedic omni tempore.

Sit Trinitati gloria,
Laus, honor, jubilatio,
De Martyris Victoria
Sit nobis exultatio. Amen.

*In Fæsto SS. Cordis D. N. J. C.
Ad Vesperas Hymnus.*

Auctor beati sæculi,
Christe Redemptor omnium,
Lumen Patris de Lumine,
DEUSQUE verus de DEO.

Amor coëgit Te Tuus,
Mortale corpus sumere,
Ut novus Adam redderes,
Quod vetus ille abstulerat.

Ille amor almus artifex,
Terræ, Marisque, & syderum,
Errata Patrum miserans,
Et nostra rumpens vincula.

Non corde discedat Tuo,
Vis illa amoris inclyti:
Hoc fonte gentes hauriant
Remissionis gratiam.

Percussum ad hoc est lancea,
Passumque ad hoc est vulnera,
Ut nos lavaret fordibus,
Unda fluente & Sanguine.

Decus Parenti & Filio,
Sanctoque sit Spiritui,
Quibus potestas gloria,
Regnumque in omne est sæculum. A.

¶ Ignem veni mittere in terram.
R. Et quid volo, nisi ut accendatur.

Ad Matutinum Hymnus.

En ut superba criminum,
Et sæva nostrorum cohors
Cor sauciavit innocens,
Merentis haud tale DEI.

Vibrantis hastam militis,
Peccata nostra dirigunt;
Ferrumque diræ cuspidis
Mortale crimen acuit.

Ex corde scisso Ecclesia
Christo jugata nascitur;
Hoc ostium aræ in latere est
Gentis ad salutem positum.

Ex hoc perrennis gratia,
Ceu septiformis fluvius:
Stolas ut illic sordidas,
Lavemus Agni in sanguine.

Turpe est redire ad crimina,
Quæ cor beatum lacerent,

Sed

Sed emulemur cordibus,
Flammas amoris indices.
Hoc, Christe nobis, hoc Pater,
Hoc Sancte dona spiritus,
Quibus potestas, gloria,
Regnumque in omne est sæculum. A.

In 1mo Nocturno.

ψ. Domine dabis pacem nobis.
R. Omnia enim opera nostra operatus es Nobis.

In 2do Nocturno.

ψ. Conversus est furor tuus.
R. Consolatus es me.

In 3tio Nocturno.

ψ. Ex Sion species decoris ejus,
R. Deus noster manifestè veniet.

Ad Laudes Hymnus.

Cor, Arca legem continens,
Non servitutis veteris,
Sed gratiæ, sed veniæ,
Sed & Misericordiæ.

Cor Sanctuarium novi
Intemeratum fæderis,
Templum vetustè Sanctius,
Velumque scissum utilius.

Te vulneratum charitas
JESU patenti voluit,
Amoris invisibilis,
Ut veneremur vulnera.
Hoc sub amoris invisibilis
Passus cruenta & Mystica,
Utrumque sacrificium
Christus Sacerdos obtulit.

Quis non amantem redamiet?

Quis non redemptus diligit?

Et corde in isto feligat

Æterna tabernacula.

Decus Parenti, & Filio,

Sanctoque sit spiritui,

Quibus potestas, gloria

Regnumque in omne est sæculum, A.

ψ. Verè languores nostros ipse tulit.
R. Et dolores nostros, ipse portavit.

Ad Tertiam.

ψ. Posuit fines tuos pacem.

R. Et adipe frumenti satiat te.

Ad Sextam.

ψ. Dirupisti Domine vincula mea.

R. Tibi sacrificabo hostiam laudis.

Ad Nonam.

ψ. Erit Dominus nominatus in signum æternum.

R. Quod non auferetur.

In 2dis Vesperis Hymnus ut in primis.

ψ. Haurietis aquas in gaudio.

R. De fontibus Salvatoris.

In Festo S. Julianæ Falconeriæ Virginis.

Ad Vesperas & ad Matutinum

HIMNUS.

Cælestis Agni nuptias,
O! Juliana dum petis,
Domum paternam deseris,
Chorumque ducis virginum.
Sponsumque suffixum cruci,
Noctes, diesque dum gemis,

B

Do-

Doloris ista cuspide,
 Sponsi refers imaginem,
 Quin septiformis vulnere,
 Fles ad genu Deiparae
 Sed crescit infusa fletu,
 Flammisque tollit Charitas.
 Hinc morte fessam proximâ,
 Non usitato te modo,
 Solatur, & nutrit DEUS,
 Dapem supernam porrigens.
 Æterne rerum conditor,
 Æterne Fili par Patri,
 Et par utrique spiritus,
 Soli Tibi sit gloria. Amen.

*In Festo S. Joachim Genitoris B. V.
 MARIE, Protectoris R. P. & M. D. L.*

Ad Vesperas & ad Matutinum

HYMNUS.

Te cuncti Joachim Christiadae canant,
 Te dignum celebrent virginis inclytæ
 Patrem, munere, quo nil speciosius,
 Nil præstantius obtines.
 Annam nactus eras connubio parem,
 Quæ tecum meruit gignere Filiam,
 Nulli consimilem; Mater enim fuit,
 Et nutrix hominis DEI.
 Ritu præcipuo Te Joachim colit,
 Summi Regis Ayum tota Polonia,
 Fac ut tuta bonis floreat omnibus
 Sub patrocinio Tui.

Semper laus resonet summa Deo Patri,
 Æternum maneat Gloria Filio,
 Sancto Spiritui sit sine termino,
 Qui debetur honos. Amen.

V. Potens in terra erit Semen ejus.
 R. Generatio rectorum benedicetur.

In 1mo Nocturno.

V. Justus tota die miseretur, & com-
 modat.

R. Et Semen ejus in benedictione est.

In 2do Nocturno.

V. Benedictionem omnium gentium dedit illi Dominus.

R. Et testamentum suum confirma-
 vit super caput ejus.

In 3tio Nocturno.

V. Lex DEI ejus in corde ipsius.

R. Et non supplantabuntur gressus
 ejus.

Ad Laudes Hymnus.

Ad Tuas laudes Joachim beate,
 Jungimus nostræ pietatis Hymnum,
 Tu piis dona, petimus benignam,
 Vocibus aurem.

Prolis optatæ mora tædiosa,
 Gaudium quodvis Tibi subtrahebāt,
 Ac diu, fecit doluisse, Patrem

Sera propago.

Ipse DEO tandem quia spem locasti,
 Dulce de Cælo recipis levamen,
 Dum senex confors sterilisque gignit

Anna MARIAM.

Stirpe

Stirpe maiorum sat in orbe clarum
Reddidit virtus magis eminentem;
Quippe Te Christo fieri propinquum
Hac meruisti.

O! nimis felix Genitor MARIE,
Fer tuis promptum famulis iuvamen,
Esto Protector populo fideli

Te veneranti.

Sit DEO Patri, Genitæque proli
Laus, honor, sit par Tibi cultus alme
Spiritus; sacræ Triadi perennet

Gloria summa. Amen.

℣. Justus germinabit sicut lilium.

℞. Et florebit in æternum ante Do-
minum.

Ad Tertiam.

℣. Benedictionem omnium gentium
dedit illi Dominus.

℞. Et testamentum suum confirma-
vit super caput ejus.

Ad Sextam.

℣. Factum est illi testamentum æter-
num.

℞. Et semini ejus sicut dies Cæli.

Ad Nonam.

℣. Justus germinabit sicut lilium.

℞. Et florebit in æternum ante Do-
minum.

*In 2dis Vesperis Hymnus & ℣. ut
in primis.*

*In Officio Gratiarum Actionis pro Victo-
ria ex Turcis obtenta Anno 1621.*

Ad Vesperas & Matutinum.

HYMNUS.

Superne Regum Rex bone,
Fons pacis & Victoriæ,
DEUS Pater sperantium,
Ultor superbientium.

Ad iussa cuius turgidæ
Maris procellæ subsident,
Iras Leones exuunt,
Sol stat stupens, nec se movens
Quo fulgurante desuper
Gentes feroces expavent,
Hostes tremunt, mali freuunt,
Boni triumphant gaudiō.

Tu barbaros, osmanicos

Apros, fugas è vinea,

Poloniæ Regnum tuæ,

A clade dira vindicans.

Ergo Tuo celsissimo

Sit Nomihi laus, gloria,

Qui Trinus ac Unus DEUS,

Per sæcula vivis omnia. Amen.

℣. Sancti per fidem fortes facti sunt
in bello.

℞. Castra verterunt exterorum.

In 1mo Nocturno.

℣. Benedic anima mea Domino.

℞. Et omnia, quæ intra me sunt, no-
mini Sancto ejus.

In 2do Nocturno.

℣. Iste Deus meus, & glorificabo eum.

℞. Deus Patris mei, & exaltabo eum.

In 3tio Nocturno.

℣. Benedic anima mea Dominum.
℞. Domine Deus meus, Magnificatus
es Vehementer.

In Laudibus Hymnus.

Rex magne, Rex altissime,
Virtutis è Throno tuæ
Æternitatem partiens,
Et regna mundi transferens.

Quam sunt inaccessæ Tui
Profunditates consilii!
Ut est procul Cælum solo,
Arcana sic procul Tuo.

Thrax en furoris ferrea,
Qui Virga Divini fuit,
Nunc ipse poenas acriter
Jussu Tuo demens luit,
Sic corda, quando cæteris
Cædem superbè detonant,
Cæduntur, & casu suo
DEI timorem prædicant.

DEO Patri sit Gloria,
Ejusque soli Filio,
Cum spiritu, qui perpetim
Mundum regit custodiâ. Amen.

℣. Non est similis Tui in Diis Domine
℞. Et non est secundum opera Tua.

Ad Tertiam.

℣. Justi decantaverunt Domine no-
men Sanctum Tuum.
℞. Et victricem manum tuam lau-
daverunt pariter.

Ad Sextam.

℣. Adorabant Sancti viventem in
sæcula.
℞. Et mittebant coronas suas ante
Thronum DEI.

Ad Nonam.

℣. Dignus es Domine Deus noster.
℞. Accipere gloriam, honorem & vir-
tutem.

In 2dis Vesperis Hymnus. Et ℣, ut in i mis

*In Feslo S. Ursulæ & Sociarum Virg:
Martyr:*

Ad Matutinum HYMNUS.

Virginis proles, opifexque Matris,
Virgo, quem gessit, peperitque Virgo
Virginis partos canimus decora
Morte triumphos.

Hæc enim palmæ duplicis beata
Sorte, dum gessit fragilem domare
Corporis sexum, domuit cruentum
Cæde tyrannum

Unde nec mortem, nec amica mortis
Mille pænarum genera expavescens,
Sanguine effuso meruit serenum
Scandere Cælum.

Huius oratu DEUS alme nobis
Debitas pænas scelerum remitte:
Ut Tibi puro resonemus alnum
Pectore carmen.

Sit decus Patri, genitæque proli,
Et Tibi compar utriusque virtus,
Spiritus semper DEUS unus omni
Temporis ævo. Amen.

In

In Feste S. Joannis Cantii Conf. P. R. P.

Ad unas Vesperas HYMNUS.

Gentis Polonæ gloria,
Clerique splendor nobilis,
Decus Lycæi & Patriæ
Pater Ioannes inclyte.
Legem superni Numinis
Doces Magister, & facis,
Nil scire prodest: sedulo
Legem nitamur exequi.
Apostolorum limina
Pedes Viator visitas;
Ad Patriam, quam tendimus,
Gressus viamque dirige.
Urbem petis Jerusalem,
Signata Sacro Sanguine
Christi colis vestigia,
Signasque fusis fletibus.
Acerba Christi vulnera
Hærete nostris cordibus,
Ut cogitemus consequi
Redemptionis pretium.
Te prona mundi machina,
Clemens adoret Trinitas,
Et nos novi per gratiam,
Novum canamus canticum. Amen.

Ad Matutinum Hymnus.

Corpus domas jejuniis,
Cædis cruento verberare:
Ut castra pœnitentium
Miles sequaris innocens.

Sequamur, & nos sedulo
Gressus parentis optimi
Sequamur, ut licentiam
Carnis refrenet spiritus.
Rigente bruma providum
Præbes amictum pauperi,
Sitim, famemque egentium
Escâ, potuque sublevas.

Amor petentis populi
Gelu resolvat pectorum;
Plorant egeni; provocent
Stipem gementum lachrymæ.

O! qui negasti nemini
Opem roganti, patrium
Regnum tuere, postulant
Cives Poloni, & exteri.

Sit laus Patri, sit Filio,
Tibique Sancte Spiritus,
Preces Joannis impetrent
Beata nobis gaudia. Amen.

*Ad Laudes Hymnus ut in primis
Vesperis.*

In 2dis Vesperis HYMNUS.

Te deprecante, corporum
Lues recedit, improbi
Morbi fugantur, pristina
Redeunt salutis munera.
Phtisi febrique, & ulcera,
Diram redactos ad Necem,
Sacratas morti victimas
Ejus rapis è faucibus.

Te

Te deprecante tumido

Merces abactæ flumine,

Tractæ DEI potentiâ

Sursum fluunt retrograd æ.

Cum tanta possis sedibus,

Cæli locatus; poscimus,

Responde votis supplicum,

Et in vocatus subveni.

O! una semper Trinitas,

O! trina semper unitas,

Da supplicante Cantio

Æterna nobis præmia. Amen.

*In Officio SS. M. M. & aliorum SS.
quorum Reliquiæ in Ecclesiis Ordinis
Nostri asservantur.*

In 1mis Vesperis.

℣. Custodit Dominus omnia ossa
eorum.

℞. Unum ex his non conteretur.

In 1mo Nocturno.

℣. Dormiunt in terræ pulvere.
℞. Evigilabunt in vitam æternam.

In 2do Nocturno.

℣. Iusti quasi virens folium germi-
nabunt.

℞. Non commovebitur radix eorum.

In 3tio Nocturno.

℣. Cum Christus apperuerit vita ve-
stra.

℞. Tunc & vos apparebitis cum ipso
in gloria.

In Laudibus.

℣. Sit memoria justorum in benedi-
ctione.

℞. Et ossa eorum pullulent de loco
suo.

Ad Tertiam.

℣. Sapientiam Sanctorum narrent
populi.

℞. Et laudem eorum nuntiet Eccle-
sia.

Ad Sextam.

℣. Non derelinquet Dominus San-
ctos suos.

℞. In æternum conservabuntur.

Ad Nonam.

℣. Gloriosus DEUS in Sanctis suis.

℞. Mirabilis in Maiestate faciens
prodigia.

In 2dis Vesperis.

℣. Consolabor vos & gaudebit cor
vestrum.

℞. Et ossa vestra quasi herba ger-
minabunt.

*Commemorationes Sanctorum Regni Po-
loniæ Patronorum.*

*De SS. Benedicto & Romualdo ad Ve-
speras & ad Laudes.*

Antiph: Isti sunt duæ olivæ, & duo
candelabra lucentia ante Dominum.

℣. Iusti autem in perpetuum vivent.

℞. Et apud Dominum merces eorum.

ORA-

O R A T I O.

Fac nos quæsumus Domine, Beatorum Patrum nostrorum Benedicti & Romualdi hic imitari labores, ut eorum gloriæ participes esse mereamur in Cælis.

*De S. Adalberto. E. M. Antiphona
ad Laudes.*

Sacerdos DEI Adalberte, Martyr
& Pontifex gloriose, intercede ad
Dominum pro devotis famulis.

Ad Vesperas Antiphona.

Per merita S. Adalberti Christe nos
exaudi, atque ejus precibus nobis
succurre miseris.

℣. Poluisti Domine super caput
ejus.

℞. Coronam de lapide pretioso.

O R A T I O.

Tuam nobis indulgentiam, quæsumus Domine, Beatus Adalbertus Episcopus & Martyr imploret, ut & delicta nobis clementer ignoscas & beneficia desiderata concedas.

De S. Stanislao Episc: & Mart:

Ad Laudes Antiphona.

Martyr DEI Stanislaus gloriosus
Pontifex, quem occidit Boleslaus
truculentus Princeps, Pastor bonus
& Patronus adsit nobis opifex
& virtutum artifex.

Ad Vesperas Antiphona.

Vir inclyte Stanislæe, vitæ, signis,
passione, plebem tuam Pastor bone,
fove benedictione, gubernæ protectione,
salva Sancta intercessionem.

℣. Magna est gloria ejus in salutari
Tuo.

℞. Gloriam & magnum decorem impones super Eum.

O R A T I O.

DEUS, pro cuius honore gloriosus Pontifex Stanislaus, gladiis impiorum occubuit, præsta quæsumus, ut omnes qui ejus implorant auxilium, petitionis tuæ salutarem consequantur effectum.

In Eremo SS. 5. Martyrum.

Ad Laudes & Vesperas Antiph:

Gaudent in Cælis animæ Sanctorum,
qui Christi Vestigia sunt secuti, &
& quia pro ejus amore Sanguinem suum fuderunt, ideo cum Christo exultant sine fine.

Vel alia Antiph: hac impedita.

℣. Exultate justi in Domino.

℞. Rectos decet collaudatio.

O R A T I O.

Sanctorum nos quæsumus Domine Martyrum Tuorum, Benedicti, Joannis, Mathæi, Isaaci, atque Christi.

Christini, gloriosa hodierna die
trophæa lætificent, quatenus eo-
rum interventione ad illam per-
veniamus hæreditatem, in qua
iidem felices Angelorum cætibus
aggregati, Tuæ semper Maiestatis
perfruuntur ineffabili claritate.

In Eremis Lithvaniæ de S. Casimiro Conf:
Ad Laudes Antiph:

Euge serve bone & fidelis, quia in
pauca fuisti fidelis, super multa
te constituam, intra in gaudium
Domini tui.

a. Ad Vesperas Antiph:

Similabo Eum viro sapienti, qui ædi-

ficavit domum suam supra pe-
tram.

ψ. Justus germinabit sicut Lili-
um. R. Et florebit in æternum ante Do-
minum.

ORATIO.


DEUS, qui inter Regales delicias,
& mundi illecebras, Sanctum Ca-
simirum virtute constantiæ robo-
rasti: quæsumus, ut ejus interces-
sione fideles Tui terrena despici-
ant, & ad Cælestia semper aspi-
rent.


Ut in omnibus glorificetur

DEUS, Reg: & Benedicti

Cap: 57.







744606

1000r

D. XII. 2



Bibliotheca
P.P. Camaldulensium in Bielany

Depozyt w Bibliotece Jagiellońskiej



03655



D-